

八識規矩頌

唐三藏法師玄奘造頌

一、前五識頌

①頌凡情

性境現量通三性
眼耳身三二地居
徧行別境善十一
中二大八貪瞋癡

五識同依淨色根
九緣七八好相鄰

合三離二觀塵世
愚者難分識與根

②頌聖果

變相觀空唯後得
果中猶自不詮真

圓明初發成無漏
三類分身息苦輪

①頌凡情

三性三量通三境
三界輪時易可知

相應心所五十一
善惡臨時別配之

性界受三恆轉易
根隨信等總相連

動身發語獨爲最
引滿能招業力牽

②頌無漏

發起初心歡喜地
俱生猶自現纏眠

遠行地後純無漏
觀察圓明照大千

①頌凡情

帶質有覆通情本
隨緣執我量爲非

八大徧行別境慧
貪癡我見慢相隨

恆審思量我相隨
有情日夜鎮昏迷

四惑八大相應起
六轉呼爲染淨依

②頌聖果

極喜初心平等性
無功用行我恆摧

如來現起他受用
十地菩薩所被機

①頌凡情

性惟無覆五徧行
界地隨他業力生

二乘不了因迷執
由此能興論主諍

浩浩三藏不可窮
淵深七浪境爲風

受熏持種根身器
去後來先作主公

②頌聖果

不動地前纔捨藏
金剛道後異熟空

大圓無垢同時發
普照十方塵刹中

八識規矩頌